



西征稿第二卷

汝南傅振商君雨父著

友人徐養量京咸刪閱

君馬黃二首

君馬黃我馬白障泥異錦照金額噴玉生風騰沙  
磧頽影蹠蹠不受策西征任荒八駿踪長鳴遙奪  
龍媒魄

君馬黃我馬驄騰踏西極鳴天風玉鞭寶劍倚長  
虹汗血權奇逼湟中請君莫作鼓車看一嘶能教

西行和  
二卷  
胡騎空

發閬中宿槐樹驛

玉臺拱秀碧江環有客澄清攬轡間  
入部星文移蜀嶺行春驄馭徂秦關  
吟深古驛離情暮愁聽清猿客興剛  
映燭不須驚鬢白從來鳥道如朱顏

宿施店驛

曲回山抱驛芳意足江村翠栢留吟古幽蘭拂佩繁鐘聲下碧岫鴻影助黃昏  
栖栖春遊客孤燈深

閉門

輶車爭歲月崎路挽遲留  
小雨悽山館驚風吹敝裘客勞省遠夢村靜啓春愁  
歸賦同王粲擬登故

國樓

予居舍卽王粲寓處

望劍閣

危閣懸崖掛漢青鞭搖霞影俯鴻冥  
尻輪神馬無天險何用峰頭再勒銘

駐栢林驛偶題

閬中境

古栢驚風翠色翻歸林好鳥互爭喧  
谷銜峰影千家入溪吹江濤萬壑奔  
帶雨郵亭留使節侵增春

西征稿 二卷  
草戀王孫坐來夜靜憐孤客乘興蕭然對綠樽

栢林山行

昭曉危磴入雲孤攀躋乘春倩客扶風軟梅英將  
落靨山寒草色未回枯攔人虎伏石疑怒扼路蜂  
腰馬怯迂何處歌聲出遠徑幾迴清興到樵蘓

龍門閣卽千佛巖還過重賦

千佛巖勢絕金碧瞰江滸云是龍門閣誰作闢山  
祖龕影吞高霞川烟含暮雨空明淘世劫巖峩閱  
搖艣回騎攬嵐光岸花媚人吐重招子美篇秀色

滴今古寶像雙闢竒無由贈石斧行行頻頽瞻峰

卓日停午

籌筆驛

炎精燼欲歇龍起費調停分鼎勞籌筆摧心竟隕  
星烟寒古驛暗春霽亂山青有客揖前哲沉思入  
混冥

飛僊閣

高閣倚風古層巒石磴懸嵌空俯鳥影團翠納山  
烟靈宇嘗招鶴幽扃應駐僊詩王留勝作神物護

西行稿  
二卷  
三  
峰巔

飛僊無恙倚天開  
嘗借詩王構不摧  
莫異飛僊出  
勝蹟拾遺元自是僊才

重經廣元

漢壽蒼烟合回車  
春色多野蒼巖日  
彩岸柳翠江  
波帆影翻吳楚嵐  
光變髻螺揚鞭攬  
夕照聽鳥自成歌

望巴州成

驅車不藉避塵巾  
蜀北烟霞媚客頻  
驛路幽蘭懷

楚客江山樵唱憶  
巴人清猿故喚他  
鄉淚好鳥擬  
傳故國春落日孤  
城愁欲暮遙懸嵐  
影碧嶙峋

駐沙河

細雨隨征蓋惠風  
促曉裝貪看嵐色  
變更激水聲  
長丙穴魚初出指  
星麥漸芳  
檉燈坐野館遶砌  
送花香

過朝天嶺

即明月峽

絕巘盤空仄徑迂  
昭曉翠色草平鋪  
春回花覆朝  
霞麗夜靜峰銜片  
月孤不斷河聲喧  
碧玉含頰若

影噪飢鳥峽頭立馬迴長嘯吐納烟雲客興蘇

駐神宣驛

澹蕩風吹鬢繁花媚錦鞦穿雲俯鳥影開袖攬山  
烟旅思齊春草幽襟洗暮泉吟深虛館靜明月送  
孤眠

仲春自蜀還秦中

春早曾驅江上船  
蒼明叱馭履山還  
思收龍駿歷秦塞  
懶訪碧雞駐蜀天  
青帝似催雙鬢老  
白雲遙望暮鴻連  
獨看孤劍愁行色  
漫攬芳華憶去年

來往春風旅興殘  
山花日向翠微看  
夢聯絕塞秦川迴  
心折排雲蜀道難  
馬上嘗憐襟帶緩  
愁中懶對酒杯寬  
遙遙北望長安日  
獨倚霜臺賦採蘭

經五丁峽

翠壁盤空絕峽長  
徑懸曲磴寫滄浪  
虛疑巒岫隔秦甸  
何處金牛啓蜀王  
石鼓跡殘崖影碧  
洞雲春曉野花香  
只今誰是開山手  
立馬峰頭慘夕陽  
春泉漱玉寫沙汀  
鳥道紆迴自五丁  
迎面竒峰轉徑別  
侵衣秀色入雲青  
斗崖應自難叱馭  
劍閣何

須獨勒銘拂漢烟霞塵外賞可能無夢謝山靈  
蜀還駐金牛對月

使星迴憶路漫漫駐馬金牛正采蘭客裏花香衣  
袂共月中峰影画图看關河正自多豺虎江海空  
思理釣竿我欲乘春飛霜色清風先肅惠文冠

自蜀歸金牛睹署中春初舊題感賦

一持使節向巴東驛路低回度曉風雪色曾吟蓬  
鬢白花香今御錦燈紅宦情懶就君平卜客興擬  
從鮑氏驄轉眼及瓜誰是代空將歸思詠芳叢

金牛道中卽事

天懸絕峽切蒼冥搖佩東風度翠屏嬌鳥呼翻霞  
外影芳林舊送岫邊青行春懶問移春檻出使爭  
傳占使星遲日愁從句裏結懷歸不似獨爲醒  
萬重山色秀韶年領略風暉二月天思傍花香沿  
碧巘愁從楊柳結新烟臨風似促埋輪興望岫空  
吟招隱篇忽爾歸鴻掠馬首遙心東度月明懸

岩花

客路正披花信風東皇剪綵綴芳叢絳菴放蕊春

西征集 二卷 六  
偏艷文杏飄香雨帶紅淑景齊浮嵐影外韶華爭  
入鳥聲中探春孤負洗粧讌咲異栝香御史驄

蜀還重依漢江北征

岷江波似漢江融沿漱清光逸興同殘夢嘉陵芳  
草綠新懷沔岸絳奄紅嬌鶯故對客愁語楊柳偏  
吹旅鬢風自是物華聯故國那堪別悵影西東

再歷沔署芭蕉亭

小院孤亭帶晚烟鳴春羣鳥競聯翩杏花醉日飛  
紅雨蕉影驚風捲綠天返照故推愁色入芳華不

媚髮光顛漫懷沔水洵今古偏護卧龍舊墓田

再駐黃沙

重來芳草滿天涯坐對空庭聽暮笳客路衰顏增  
白髮風塵愁緒滿黃沙窺雲影送穿簾月拂袖香  
飛倚檻花散步朗吟酬望遠驚栖忽噪繞林鴉

山行

二月寒凝翠景幽小徑蟠溪愚由我漱峯秀共誰  
看瑤草新人意飛花點客冠歌芝懷勝侶空谷若  
爲寬



西征集 二卷  
漢署春步

稜蕙孤亭畔呼童著意封機忘親魚鳥塵遠友筠  
松境僻催吟苦花繁任態穠負暄頻照影積悶更  
龍鐘

丁嘿所林季狎編脩至都寄懷

分飛草色幾迴春重起山中白髮新遲日鸞坡忻  
結綬好風隴水漫懷人歌成出塞關河遯思滯停  
雲旅夢頻聞道蓬萊多逸勝可無清問寄車塵

寄熊心開儀部

嚶鳴好鳥喚高林客緒孤縈漢水深粉署香殘嫺  
視草花驄春遠憶披襟片鴻偏送月梁思雙鯉難  
傳雞黍心天外離人饒有夢幾回芳榭共追尋

寄候命張積水柱史

分攜孤劍起虬吟翹晉丹青清問沉官舍簾間芳  
草碧帝城春老暮雲深諫書久盼人龍牘除墨猶  
稽鳳尾音客抱不堪頻寄遠三秦豺虎正如林

秦中得魏道冲贊善扇頭寄詩賦謝

萬里馳驅減壯心隴頭春色悵芳林忽睹老鳳雲

間彩頓失孤驄塞上吟秀擷千秋無左席調孤八  
米檀元音披揚懷袖清風滿縮地論交逸興深

春日署中偶成

霜臺深鎖漫回翔物態陪吟逸興長竹徑檀欒雲  
影碧花林馥郁鳥聲香柱願窓落遙山黛對酒杯  
沉夕照光薄暝烟驅芳草合不堪愁緒更茫茫

徐京咸柱史以衡文竣推太僕寄贈

文翰雞林舊著名久懸北斗擅高評已從月目收  
詞伯更索風神借罔卿桃李無言春徑合驪驪如

練暮雲迎馬曹市駿河湟遠羨爾丹青芳問清

漢中春望

遊目漢川春緒繁醺風桃李漫無言輕雲作慙終  
銷狗獨鶴颺空不羨軒拜將遺臺烟影黯落星名  
墓鳥聲喧徘徊長嘯孤心遠翹首松筠冷故園  
深院無人草色芳看山竹外透清光歌從鶯鳥梭  
中度句竊桃花靨裏香望闌遙憐落照影賦歸空  
羨暮雲翔鈞磯谷口懷高跡讓水涵幽鎖夕陽

寄贈張鳳華勳伯

箕裘堪續郭汾陽故啓名園偶辟疆花底嘗栖鷓  
鷺影樓頭不鵬麝蘭香檄成倚馬筆爲虎氣駕犁  
庭劍有霜秦地驚春隔把臂鳳城鷲老憶相將

寄宋太錄銓部

猶憶彈冠意興真朗懸冰鏡自無塵賦梅久信南  
枝暖分照擬先四壁貧香盡草嫺簾外月庭幽蘭  
秀雨中春救時莫厭山公啓好慰瓜期解積薪

早步

小徑烟光煜巢枝鳥亂鳴風撩梅影倩日卧竹光

清道遠愁依夢日長賦解醒漢流隔汝水莫當舊  
寰瀛

晚吟

好鳥歌春暮驚栖語茂林繁星窺旅髻暝靄佐愁  
吟柳色他鄉重花香故國深每從明月出借影寄  
離心

園李

依巘芳林曙色明映菴佳麗翔春鶯瑞沅九影孤  
龍月標奪羣芳擅鼠精皓質絕塵分玉潔輕香飛

雪入風清寂嫌夷甫春心如欲植僊株處處榮

署中梅

欵檻官梅覆畫廊虛窓淑態印晴光骨凌殘雪寧  
爭艷萼昔羣英更吐芳清影常依明月夢幽菟羞  
上壽陽妝廣平賦後誰能繼懶嗅南枝舊日香  
獨抱幽芬鎖夕陽每將遺馥憶何郎英銷舊曆麗  
人遠枝亞晴軒逋客狂竹使平分殘雪影蜂媒難  
竊早春香膽瓶春色何能貯清味終歸牛鼎長

彈墨

入部星文迴剔殘意興真簡霜飛愈白彈墨冽尤  
新冠虎帽傾窟貪狼驚震鄰乘春驅絕塞不減舊  
埋輪

漢上懷彭飛仲年丈

時在里襄  
太孺人事

瓠城東望楚雲扶悵別人龍客夢孤壠就白鳥應  
繞檻時清驄馬想還都長歌漢水停春棹搔首秦  
川擊唾壺欲寄悶懷歸鴈少夕陽愁色滿平蕪  
玉樹勞春夢談懷獨黯然僧沉迷玉琰鶴去憶牛  
眠心折白華詠吟深蓼莪篇覺來鄉問隔惆悵遠

荅前

懷李叔茂柱史

夕日瓠城烟霧曛漢南搔首悵離羣著書湖上狎  
鯖鳥種蕙山中卧白雲鳳闌久閒簪筆夢潁川空  
粲聚星文斗邊劍氣猶龍動不忿雌雄兩地分

懷桂太常徵石別時約今春入留都

秣陵山色鬱相望禮樂留都倚太常肝蠻似依弓  
劍地烟埃久蔽御樓香中天卿月移春照南國花  
神候曉裝漢水遙吹白鷺影暮雲縹緲阻孤航

懷蕭念閩大叅

八十冥鴻物外身脩然三徑迴出塵棠留絕徼清  
陰滿蘭秀中林瑞靄新鶴髮偏憐使節遠酥樽出  
餞故情真秦封鎖鑰績猶爛不共同行塞上春

懷李景哲柱史

雪覆離亭夕日沉別來清夢幾相尋碑仍秦甸琴  
心古日照龍門紫氣深客至留看蘭外竹書成行  
嘯水邊林何時把臂高人席共話西陲胡馬音

暮春間眺

斗酒雙柑夕照明窺人竹外語流鶯侵眸草色春  
烟碧人在花香孤影清

杏靨銷紅雨乍晴爭春館畔裊飛英間聽歌鳥喧  
芳樹漫擬花神作嘆聲

日照澄江織曉光汀洲草碧鵬鴛鴦梨花春雪憐  
霜鬢悵隔園林讌洗妝

脩禊天涯送暮春賀蘭山色候車塵風烟三徑結  
幽夢小苑鶯花未是貧

落花

日炊烟影照林密暗飛香依人歌好鳥鳴佩散風  
篁落花影綽約綴網更悠揚吟春幽興遠倚檻看  
山光

漢王臺

未央宮闕煙塵縟漢帝諸陵麥飯少突兀漢臺傲  
世存竹光搖翠啼羣鳥殘霞已變炎光色四時不  
異風輝皦古井尚封漢代泉孤庭猶想遺宮曉高  
帝雲孫共始終王氣江波尚環繞何年初作黃堂  
宇常鎖西風閉突窈倚臺長嘯斜陽殘山樵依舊

西征集 二卷  
歌聲小

對月

水署春深客思橫  
閒吟竹徑攬孤清  
林幽袖拂花香度  
天淨人依月色明  
鄭子釣磯高斷岸  
漢王臺址鎖重城  
漫看雲影爭來駛  
獨向河湟叱馭行

自二月深居署中三月中始適市陌行攬春

華漫賦

深吟臺栢愁芳草  
坐嘯頓忘春色早  
偶從市陌攬春暉  
李郁桃香春光好  
鳥啣嬌瓣鶻綠楊  
蜂負花鬚拂羽葆  
自咲不是拈香人  
懶作金鈴護花老  
緩控花驄映花行  
探春不爲花神惱

漢中清明

故國風暉夢裏看  
況逢節敘食猶寒  
悶殊烟火天涯禁  
歌罷龍蛇旅思寬  
花外鞦韆嫵靚女  
江邊禊褉媚雕鞍  
漢南騁目輕雲縹  
欲寄繁英行路難  
巖署香殘醒客眠  
脩篁亭畔興悠然  
俗沿故國封薪火  
巧看天涯戲木鳶  
芳樹無塵鶯弄舌  
夕陽如畫草含烟  
三春花事鬱中送  
更欲鳴驄西問邊

寧羗偶飯竹實如麥穎賦志

鳳食琅玕不輕矚萋萋梧影總托足何處竹叢結  
瑞實顆顆脩粒如黃玉九苞斂采將鷓遠珍食委  
同雞鶩粟清供有緣胡不出寧待飛蝗自迫束爭  
食瓦雀瞰飛鳴日暮頻吟招鳳曲

日茹竹萌偶成

蟬腹芳芽迴絕塵嘗將清味助詩神非關好結籜  
龍夢味諫交情久愈新

味諫軒笋見稗海

嘗愛清芬倚檻看忍將嫩玉佐朝食移文竹祖從

今護留待東歸選釣竿

署中巢林鷗鷺狎庭玩賦

醺醺菴杏麗江城巢樹翔欄鳥不驚已共栢鳥成  
獨往擬從鷗鷺結新盟機忘東海依人狎影帶西  
雛印水清逸興默隨春意遠朗吟徙倚嗅蘭英  
微風拂案日遲遲春盡凝清景曠逸庭靜草嫺栖  
白鷺封濃香老語黃鸝染毫墨綴楊花態嗅藥衣  
颭蜂影隨似覺霜臺成吏隱幽襟聊借減鄉思  
聞念閩蕭大叅八十喪子耗



西征和 二卷  
鎖鑰家聲舊綠衣  
協壯圖靈椿方應瑞  
叢桂忽云孤  
躔舍摧前昂  
詞場想大巫  
空留冲澹韻  
墓草未同枯

聞友人羊嵩喬殞

俠氣凌衰白  
輕舟忽告藏  
羶膏餘舊片  
管絃尚舍香  
看劍驚失煥  
檢書憶得羊  
人琴慘共逝  
庭蕙藹孤芳

結髮餘豪爽  
壯年更楚狂  
破琴驚市井  
缺社待鴛鴦  
簇錦文章老  
生春花月藏  
倚風倍惆悵  
笛裏帶

山陽

偶成

境清鶯伴語  
叢僻花憐香  
未覺市朝遠  
寧知客興長  
攤書真吏隱  
對酒駕遺狂  
只尺高人谷  
擬從發舊藏

莫詠方將苦  
興覺攬轡長  
江山供賦料  
花月媚奚囊  
揮羽西戎伏  
鳴騶索虜藏  
瑤池春問隔  
不玩白雲鄉

何用尋山屐  
憑几卽隱囊  
巢林落鷺影  
傍竹薦花

西征集 二卷  
香馥鴿覺春老柳肥催絮狂牧童驅犢晚風笛帶  
斜陽

把秦京逸人扇頭詩成詠

客袂分殘雪懷人滯漢陽偶窺團扇句不愧賈胡  
裝筆虎凝新墨吻花散媚香浩襟期共寫不獨爲  
詩狂

得家報

壯遊淹歲月兒女自情多老眼穿鄉國雙魚落漢  
波倚閭親應切戲綵第如何數復平安字夷猶發

浩歌

得姚聚之司諫書問時里中讀禮其兄刺史  
爲藩所忌

句吳隔絕塞雙鯉遡江鄉撫背懷護草含沙慮鴈  
行墨飛落月思句伯化樓香北闕愁烟迴遲君早  
促裝

得李建霞太史問

夢回懸落月空憶舟爲僊失侶愁秦塞懷人渺漢  
川片鴻午嶺度離緒暮雲連置水訾予拙愧君春

西征集  
二卷  
七  
問賢

清明始聞雷

禁火愁無寐春雷乃發聲  
催雲出洞壑挾雨過江城  
花態含珠媚鳥歌入潤清  
龍蛇曲裏動愛玩晚霞明

寒食感介子

丑蛇輔龍變露雨音爭居  
獨有一蛇遠深藏自晏如  
胡爲身旣隱文著更懸書  
激發龍深省冥搜慙弃予  
燎原熾怒火蕭艾燼焦墟  
所異論封典火攻求俊譽  
歌聲召毒燄招隱滋剪除  
里人傷酷絕至日火全踈  
訛作犯火忌風雷慘砲車  
功成不賞人往往多如渠  
所以鴟夷子千載羨舒徐

谷口鄭子真釣磯

草芳珠露瑩日射江光碧  
花鳥自知春釣磯苔影積  
魚游爭出曝容與想古簪  
久折隱淪竿枯魚泣何益  
高躅邈難攀丈禮一片石  
日暮招真隱靈芬應未宓

磯頭石泐碧闌刪徙倚江頭指點看  
欲問子真釣

西征稿 二卷 六  
裏意懶垂香餌舊漁竿

谷口行吟挽子真還羞俗客在車輪山靈莫故移  
文誚歸卽投竿不效顰

五侯臺館變烟光谷口漁磯自夕陽誰問侯鯖新  
火滅臨流偏覺鄭泉香

得胡滄陽明府問時以鞫大獄爲豪右反唇  
鳴驄西駛別江村絕塞離心不可論白髮懷人隔  
渭水黃河雙鯉度關門繁臺月媚琴中雉丹闕鸞  
催錦裏軒只尺清華須努力浮雲終不蔽朝暎

雨中春望

少女挾靈雨密飛禁火辰送青山作黛添碧草含  
茵生息融芳甸風暉舊好春隱几愜遠望吟嘯幾  
迴新

懷郭雉雲明府

折角先生逸興多酒中避世近如何中山春暮饒  
樵採洗痛荖叢更幾過

懷桂念一味韶兄弟

惜別驪歌動相看二仲頻浩懷達伯迴素業髯公

西征集 二卷 九  
神美憶植梨並評從裴樂真倚風懷塵緒玄意滌  
車塵

懷張元度門玄之余叔阜三孝廉

舊友愁衰鬢耽玄共一經口邊鳳愈白世外眼猶  
青逸尚矜詩父浩懷頌酒星珠明應有識莫悵獨  
爲醒

懷宋季真鏡玄伯仲

別來清問阻行春落日長吟漢水濱花送好懷縈  
二仲鴻傳愁影感孤臣停雲翻入青陽暮合劍終

知白首新不是天涯急故舊忘形齟齬更芳隣

懷王漢若

憶君昔摺齒開竇黜王郎今日我舌在落齒亦成  
雙嘯吟雖不減老境漸相望齒骨有衰颯金石心  
永截思君東岡曲菰稻水雲鄉餘齒近如何慎勿  
逞剛強如今口多累漱石策非良知君感渭樹咲  
我鬢邊蒼何當便把辭話此佐離觴搔首碎難覩  
心隨漢水長

鄭太宰賦歸

帝惜元台去詔予御駟輪三朝歷劍佩一德迴臣  
鄰聽履遺天闕卧雲慰漢濱廿年憶出處林下有  
全人

鄭重山公啓冲虛水鏡清日懸銷魅影院靜秀蘭  
英黃髮歸龍卧白雲扶杖行薦賢留去後何以荅  
承明

賜玦優衰老思懷帝眷長一夔足水鏡三禮見明  
良驛路輝高駟簪裾嘆敝裝清留褚炫帽羨再鄭  
公鄉

聶許李侍御按秦聯事忽移病决歸有感  
紫氣關門煜步塵轡影連如何正叱馭忽爾競歸  
鞭愁病孤臣共離懷岐路徧徘徊停卧轍留譜踵  
前賢

飛絮

柳色鶯啼老絮飄弄影微依山雲共白颺水燕爭  
飛巧透鴛鴦社輕旋歌舞衣翻嫵松竹冷含澹送  
春暉

春早徧銷影燕歸態轉工輕盈扶野馬搖漾舞春

空未媚梨花月漫依玉樹叢清飈饒借力飄落亦  
東風

春燕

珠簾微動水生紋燕影雙雙細語殷選勝巢梁憐  
玳瑁穿花裊露颺香雲靈軒未借行春使弱羽空  
托巢幕群我欲就詢王謝舊鳥衣人遠久迷君  
睜維玄鳥弄影逶迤安尋舊壘巧印香泥孤憐節  
孀隱諭景怡雲軒事邈旅客頻思羽翰可托慰我  
淒其

給商茶引成歌

舊愛茶經洩秘藏嘗煎七碗潤詩腸帝知野人茗  
戰狂詔持繡斧撫西羌市易天馬斷名王應時飛  
檄擁驕驕招賈予符蜀楚疆收籠靈草偃旗槍篋  
中深貯綠雲芳葉葉全經御史霜清風偶爾蕩北  
荒茶烟遠度掩天狼不效龍團貢帝傍句中畱得  
紫茸香遙續麒麟舊草嘗

晴出飄榆錢漫占

雨霽林添綠日明景更鮮鳥怡呼舊侶魚樂曝晴

川蕩漾柳飛絮容與榆墜錢春心不可極吟眺自成顛

綠樹菁葱炊晚烟含風榆筴亂飄錢東皇不恡工裁巧買得春歸聽杜鵑

小影驚吹弄晚烟輕隨紅雨競聯翩點衣拂向東風去猶咲山陰選一錢

聞荃香

靄靄雲初夕馥馥度暗香風微林愈靜景澹興猶長宿鳥荅清嘯鳴蛙佐晚觴倏然人境外幽意共

迴翔

暮春步署後百可園

幽鎖孤亭迓夕陽掛碧欄松雲篩翠篠竹使報平安聽鳥迴長嘯拂琴憶舊彈故園春事老爭似箇中看

碧草吞人徑綠藤伯樹身風閒簾浪穩雨過柳眉顰作吏懷高跡爲園憶隱人呼童脩茗戰堪自滌

詩神

浦園芳草憶王孫罨樹藤蘿似古村映日輕陰蝶



舞檻依簾巧語鳥窺門虛疑春暮紅香老更促林  
芳綠果繁縱目羣山多爽氣悠然清興入孤軒

狂風

三月鶯聲老驚颺怒漢濱飛聲舞柳慙着力妬花  
神未覺迴靈雨空疑送暗塵御風人自遠應不滯  
埋輪

鄭戾堰

孕卵扶龍準收圖啟帝居元台光雀籙鴻業爛河  
書鑿水波分沔爲田畝作畚綠雲香七里黃茂秀  
載更紛如

漢沔武戾屯田處今猶踵舊跡

名山埋劍履屯種想前龍萬竈依南畝三軍自老  
農積儲托耒耜討賊仗神鋒窶滿無夷慮師行減  
歲凶金城昉勝略并牧見名蹤大業籌神筆遺圖  
樹舊葑伐謀畱將苑作画幻烟容八陣江雲靄遺  
素野色重墓祠嚴伏臘落落護長松

戾著有將苑  
沉失作畫賜

蠻夷甚感  
悅枯出

伏羌大盜晝射殺王縣令紀慨

盜皆營卒

隴水荒烟合盜竿耻夜行探丸仍故態鳴鏑向孤  
城殺吏沉郎宿攫金盡客籬西陲空鐵騎日說請  
長纓

邊塞悍驕子輕生尚首功結侶忽亡命剽掠身膽  
雄衷甲耀彩服駿馬競追風并刀大羽箭滿目殼  
雕弓布伏深山道指揮曉日中賈商千百橐數里  
戰深叢黃白盡席捲呼咤氣如虹斲令窺左足冤  
色慘烟空嗟哉百金士東陵盜竿同未奮犁庭勇  
徒為腹裏戎養鷹舊有喻誰告主人翁

試紫陽新茶

紫陽雲洞春光早翠舊流清饒仙草芳芽初摘綠  
雲環潑向磁甌雲脚好影翻碧玉梨荅白芳續香  
蘭陋龍腦入喉已覺詩神清七碗應教睡魔掃不  
羨龍團貢御筵瓶葢御史如丹寶遙憶丹丘換骨  
方還童欲叩洞中老

署中垣上茶蘼

西征集 二卷  
牆上荼蘼白留春咲夕陽遙看如玉朶疑似故園  
香繁緒同枝密幽芬任蝶狂蕭蕭臺栢影借爾慰  
孤芳

暮春憶園中牡丹

漢王臺畔草萋萋玩盡芳菲憶舊蹊春老猶停塞  
上馬夢頻虛覺汝南雞客愁對景鶯聲巧花事關  
心樹色迷回首東園風日麗牡丹文酒共誰攜

杪春偶成

誰謂春殘客興慳悠然清影滿南山孤松含雨風  
暉迴百舌遷林午漏間對竹不須生白眼焚香堪  
自守玄關如何遙望長安日遵渚冥鴻接次還

寶萼

簇簇園中花紅香如醉酒翠葉架綠雲爛霞映芳  
柳凝嬌共蝶翻含態窺窗牖東皇收拾春分付風  
爲帚鵲聲妒晚輝花神曾知否把嗅惜餘春聽鶯  
聊八斗

閱桂徵翁太常請告偶成

春殘鴻影競冥冥矯首中天滯歲星客夢倦縈江

月白霜函遙乞故山青龍章未擬壺公隱雲卧聊  
同楚客醒天際倚風難勸駕壯遊我亦憶玄亭  
佳氣遙連白下橫仙舟迴榜謝江聲偶懷漱石非  
非想不爲積薪少少卿花月欲留瓠水夢雲霞遙  
望鳳皇城如今聖主思良佐肯使中山攬杜蘅  
奏冢乘春過里門閒看麋鹿戀江村久嚴俎豆光  
陵祀更乞參朮載主恩清嘯看抽堂下竹斂懷頻  
樹砌傍護也知偏繫東山望逸興無由對綠樽

瓶茶

綠陰覆永晝鶻送春光老步林愛晚紅瓶水留春  
早馥郁裊書圍野蜂更尋討名苑暗銷魂案頭色  
餘好剩有駐春心幽香堪共保

樹下成

岸噴綠陰下悠然嘯晚烟風清溜竹徑地僻自林  
泉砭耳鶯歌好依人蝶影翩將來圖招隱人指鹿  
門仙

暮春

風雨朝來急芳香覺漸孤花神初解綾林葉早分

符綠暗鸞蜂亂紅銷杜宇呼揮毫留剩馥聊當暮  
春圖

早夏雨

物色三春老烟光四月紫雨添芳苑秀日照露華  
明逐絮蜂尋蕊停梭樹嘒鶯薰風招舊葛攬袂客  
心驚

玩荅竹影

蟾光麗玉宇花竹寫清曉幽影徹檀欒芳姿凝窈  
窕此君鳴佩環洛妃窺澄沼張袂圖幽馨朗吟玉

壺皎

四月四日夢家君責用大秤警而泣紀

易簣隔三舍龍綸化作血丰容夢寐渺低回腸斷  
絕漢陽晤舊顏忽睹髮如雪式穀嚴趨庭平衡指  
暗榻凜凜折心神長跼奉遺說覺後空雲影倚風  
泪不輟

夢賴鑒蒼孝廉

落月掛踈簾故人入我夢關河三千里精魄偏飛  
動把問朝歌邨旅殞增悲慟兒女身後緣恨恨愁

西征稿 二卷  
難控想像低徊腸似托孤飛鳳生歿戀交情踈鐘  
忽驚送

早夏入城固

麥隴驚風返照開  
寒帷憑弔獨徘徊  
斗出雲翳月  
亭樹天漢波  
咽拜將臺  
春事杜鵑聲裏盡  
客懷野  
馬望中催  
自慙滿憶塵氛積  
好滌文川水一杯  
法署無人艸色繁  
小亭塵淨鳥飛翻  
旭窓影落音  
聲樹曲檻雲依種  
紙軒揮羽竹風搖  
白髮題詩蕉  
葉印清樽  
坐來便覺羲皇接  
避暑何須慕遠村

憶雜俎載城固韋氏女十歲證真過里漫賦  
答聞韋氏女十歲日存想一朝成妙果  
蛻衣成獨  
往慧業由夙根  
脫悟非關養我欲問寶筏止  
睹漢  
波長無人敢覺路何以愜玄賞

洋縣對雨

寒泉山色晚烟橫  
攬轡薰風過  
僥城黻黻沉雲  
伍  
雨腳涓涓絕壑走  
江聲竹光拂座孤  
琴潤燕語愁  
梁小篆清驛路  
塵銷客興遠  
不將流水憶寰瀛  
篔簹谷以文與可畫得名賦志

西征集 二卷  
高人寄逸興筆底寫篔簹解衣漫盤礴枝葉挾風  
霜風霜蕭竦萬玉簇清飈颯颯篔簹谷我來林際  
嘯殘烟谷影含秋無畫竹欲將餘瀆灑琅玕日暮  
擬招孤鳳出

西鄉道中

夕陽人在翠微中盤谷紆迴小徑通萬點峯尖暝  
遠霧重岩泉影掛長虹野花含咲行春騎村落擬  
藏避世翁我欲朗吟招隱曲那堪風送雨濛濛  
烟霞有興駕塵寰吏隱何須更買山臥閣真形收

五嶽驅車名洞啟玄關藤蘿似挽乘驄使岩壑疑  
清閱世顏試問歌芝石隱客可無隨寓到人間

十二嶺

西鄉

十二山形切碧天亘絲如黛窳蒼烟江吞幽壑濤  
聲壯日射雲峰霞影鮮似有笙鸞依古洞擬將丹  
藥乞飛仙低回漫與山靈約莫更移文杜後賢  
蒼翠盤紆變夕曛身依十二嶺頭雲清禽喚破村  
烟路花崖泉香時暗聞

虎攫鸞翔趨漢灣碧天垂幕玉爲關驀然谷暗驚

風雨虹影先依十二山

西鄉值慈親初度

慈親七十二遠遊廼萬里况當初度辰遡河漢江  
止萬山勞躋攀不獨歌陟屺遙遙絲衣隔日暮悲  
遊子悵惆灼肝腸悒悒如齧指搔首擬陳情將諸  
勞出使

宿漢上山亭

輶車遙映使爲星落日憩吟古驛亭檻外江聲月  
裏白枕邊山色夢中青興飛水國遊還漱人在烟  
嵐醉亦醒何處啼猿驚客緒臥看清影寫踈櫺

泛漢江

管泛嘉陵水今驅漢上船風日流客袂鳧鷖破江  
烟蒼翠盤虛鏡空明倒碧天漫將洗耳意倚舫聽  
淪漣

不是尋源使頻登水國舟興酣人擊楫境曠沙眠  
鷗波溜光如織山晴翠欲流懷人歌浩渺幽意滿  
芳洲

未覺僂舟遠泛江信曉風岩花殘傍檠江燕舞依



西谷和  
二卷  
蓬別浦漱鳴玉長天印斷虹悠然餘遠興只尺五  
湖中

入石泉

不盡乘流興維舟入斗城人烟壓岫色村市隱江  
聲未覺征車會稍聞野鳥鳴柱頤納夕爽吟睡有  
餘清

君子亭

愛竹名君子耽幽構小亭八窻光逸白雙樹影流  
青假寐堪長嘯倚風任獨醒休驂聊吏隱不愧客

爲星

度漢陰馬嶺

麥浪迎秋氣蒼烟隱暮峰岩懸人側足徑曲石當  
胷鳥影間頽屋水聲掛偃松瀟瀟天籟發哀壑遞  
踈鐘

漢陰感抱瓮漫成

抱甕羞機事樸心托古瓦桔槔蘊深機善抱不輕  
捨誰知衆任機孤瓮名可假拙入自巧出白馬寧  
非馬卽如所抱甕元氣能陶冶天地出入機混沌

西行和 二卷 三  
全傾瀉無機世網隳  
狂獠淪荒野正用足網維  
冀鰲奇含雅我欲扣玄關  
誰是忘機者

妙解能屈結駟賢  
龕邊遺波尚新泉  
如今舊龕歸何處  
重抱人驚異  
管年

龕頭幽意自深沉  
千古無人共賞音  
但使巢由從灌溉  
桔槔何必盡機心

霧中望鳳凰山

漢陰南

鳳凰山百里斗削芙蓉絕  
突兀吐烟霞冥靄忽如鐵  
靈宇盤與區突竊足奇  
譎鶴栖千年對龍吟萬

古穴紫芝遶礪溪清流漸  
百折中有食霞人長謠  
鍊絳雪我欲從之遊  
谷口人踪滅只尺雲霧冥元  
氣渾淪結招手謝山靈  
莫咲清時轍

無人抱龕水潺湲吟漱  
猶教機事間數載遊仙  
饒有興夢中行盡鳳皇山

吟望蒼屏帶古松  
夕烟霞影掛飛龍  
鳥聲遙喚遊人騎  
欲題撐霄第一峰

叠嶂排雲紫霧疑  
懸崖古樹繞蒼藤  
白雲思共洞中老  
身臥烟霞十二層

漢陰東發

興元槌轡度花驄野鳥驚人麥漾風隱樹河流明  
滅裏含烟峰影有無中岩懸古洞傳虛磬橋歌崩  
查偃斷虹長嘯翠微空谷應無由招晤採芝翁  
雙乳舖在漢陰兩岩如山如乳封峙大河兩  
岸正堪輿所謂捍門華表因名舖  
千山疊翠纍高丘鳳舞龍蟠小榦抽雙乳列衙盤  
地起一泓如帶袍雲流草菴飛磬聞僧與村市隨  
風聽鹿啣勝地槌鞭聊賞眺誰人指點憶封侯

贈李抱瓮明府

漢叟甘抱瓮忘機厭智囊酒人工醞造抱瓮酒猶  
香抱瓮兩別趣君猶寄清狂不理琴中雉時時酒  
鑪傍投簪如脫徒興發便千觴有侶夜作晝獨酌  
酒代湯全神作醉隱寧復憶行藏萬物歸一瓮身  
名具醉忘試問抱瓮人此意誰短長

朝陽洞

赭石盤空如翥鳳劃開天地作虹洞渾淪五窟陋  
鬼工雲裏磬聲禱鳥啣鳥啣咬咬霞影曙丹爐火  
滅鶴歸去我向洞邊問駐栖只在鳳皇山深處

宿恒口鎮館

卧遊神往青山麓今日乘驄山麓宿烟雲供養瘦  
骨清泉壑縈心詩思稷解裝恒口水潺潺下馬烟  
霞共往還明月無塵峰影曙此身何必減商山

看米穀花成

四月深陰噪哺鴉牡丹香老斂朝霞憑軒漫向山  
蹊望小逕紅酣米穀花

雨霽徂興安

晚虹收雨鳥聲頻鼓角鳴喧漢水濱天柱高懸雲

外影香溪深鎖洞中春玄風空想媿墟暮明德猶  
傳禹穴真漫向故城詢舊跡荒烟猶似憐波臣

金州水漂沒萬家  
城廢改南山麓

興安東裝西徂河湟

馬首遙連萬里程吟深空館晚涼生流雲工召月  
華白暮靄偏催蛩語清歸夢東駛依漢水壯懷西  
度繞金城香溪仙子遊何處誰指黃梁寤客情

洞呂祖化  
上竈處

石泉雨中泛漢江西度

客緒長江水宦情西上船片帆悵急雨百丈繞飛  
泉太住看芳草淺深問長年漫將浩渺意吟嘯破  
愁烟

波聲帶雨急棹影上灘慳觸石鼉鼉怒依沙鷗鷺  
閒水光吞萬壑舟色蕩千山未覺途流嶮看銷使  
者顏

波挾風聲怒山懸雨色愁臥雲清旅袂促榜信虛  
舟上水文章拙濟川譽望浮空思擊楫客慷慨向  
中流

忽爾愁烟破日華射浪明江光翻雨色石窟苔泉  
聲吟徹僂舟邈興添水國清波濤今古在漫濯使  
臣纓

江漲吞岩麓濤聲掛樹頭山雲牽遠興風雨引孤  
舟未覩呈龍脂何言犯斗牛翛然看水鳥不愧與  
鷗遊

盤薄出山嘴洄漩避石牙饑鳥噪檣影小燕隱江  
花雨斷懸崖路波淘陡岸沙舟人知水性鬪浪自  
忘譁

浩蕩烟光渺涵虛匹練縈奔濤吹海壑怒影撼山  
城今古隨淘浪鷓鴣狎主盟倚舩玩風色處處覺  
潮生

導漾窮擘豕截沅再石泉使星急虜塞客興渺秦  
川泛槎疑今日尋源愧管賢遙思汝岸隔雙鯉斷  
江烟

渙渙新流急漢江間凭畫舫啓虛窓沙邊波暖烟  
光煜漫數鴛鴦是幾雙

江上蒼烟冑綠蘿岩邊窈窕子坐漁蓑忽然孤語收  
綸太今日狂風浪更多

興安渡江

方羨東沅水更招西上塵江鷗猜舊客來往渡頭  
人

客緒槌江水扣舷吟漱清如何浩蕩意千里送孤  
征

題純陽子提履

岳陽休醉月束手提芒履尊足水雲間何處紅塵  
起

題鍾離取耳

聞性無通塞鍾離詎任耳箇中有別緣壅蔽早宜  
啟

金州道中

新水平田印碧空稻秧初舊綠茂茂江烟忽破雙  
鷗白嵐色高懸落照紅驚面偏能覺暑氣鳴笳隨  
意引薰風河湟遙待隨車雨嶮路寧停御史驄

回宿恒口店館

鳳皇山勢瞰江聲落日停驂繫客情翠色遙分雲  
臥遠波光近漱旅懷清千家村市團烟暝滿谷來  
麩帶月明午夜長謠愁不寐那堪西極競孤征

回經漢陰對雨

蕭蕭急雨過江城空館陰森旅坐清鳳嶺雲歸峰  
影暮月河浪捲練光縈忘機欲學丈人隱叱馭愁  
虛八使名咲接中霽頻漱滌隨車切莫妒孤征  
急雨侵堦客興磨渡頭流水坐來多飄衣看取隨風  
點何似當年甕裏波

萬山愁色掩斜陽雨氣遙挾苓苻香絕壑亂流爭

西征和  
二卷  
漱玉可能寫意向河湟

題花下錦雞

暉暉毛羽錦雲連  
鳴和雙雙愛麓泉  
打破樊籠釋  
有累牡丹花下臥春烟

石泉池河舖玉皇閣

虛谷盤紆異境通  
崔嵬寶閣倚天風  
山光捧檻搖  
丹翠川影涵旂蕩  
彩虹紫氣縈霄麗  
玉冕清飈吹  
夜度仙翁慙予香案爲真吏  
日暮煩催使者驄

宿茶溪灘

來往宿山麓  
空庭聞水聲  
雲烟困客夢  
午夜亦孤征

早發茶溪

去去連關塞  
朝曦卷旆旌  
江山饒險絕  
不斷旅人情

自興元回重經西鄉

暗塵挾暑薄  
衰顏麥氣迎  
秋攬轡還吟  
嘯重清子  
午水烟霞猶帶鳳凰山  
谷銷寒影篔簹老洞隱碧  
苔丹竈間來往漢南爭  
日月邊喬羞聽鳥關關



還行西鄉山中

客興遙飛絕路懸薰風拂旆影聯翩山光翠擁雲  
中樹壑勢喧吞雨後泉壑出長松幽古寺歌清一  
鳥破村烟無由更覓青泥飯倚岫空招出世僊

直渡洋縣江

薄暝闌征騎孤帆截漢川星光低画舫炬影破江  
煙蛙噪雜清奏鷗驚礙穩眠水雲饒遠興直當照  
魚船

洋縣西發

寒泉山色映青驄太公垂鞭度曉風極目漢江流  
不盡客懷一路鳥聲中  
樹老麥秋噪哺鴉迎曦旌旆卷朝霞客心正悵東  
歸水馬首風煙萬里賒

過城固張騫里賦

西盍遲驄馭薰風度曉烟杼英慙傳毅作使憶張  
騫問馬非開宛撫戎期固邊西征急茗戰不徒爲  
茶顛

駐漢江鶴鳴舖

庭啓斜陽碧玉縈  
搖空清漢卷灘聲  
風烟萬里隨幽興  
江上停驂聽鶴鳴

晨雨

鳥聲呼曙色  
綵絺覺新雨  
理髮更疑顛  
星星知幾縷

窓影送虛白  
孤琴回細潤  
倚風看竹光  
小雨點殘鬢

執射庭

漢公署左

小庭間白日  
幽徑鎖蒼煙  
石丈含苔古  
竹孫帶雨

鮮偶時羞貫虱  
抱拙咲如弦  
我欲投弓矢  
義皇入醉眠

不晤伯昏巧  
默看隼摩空  
世儀爭集矢  
天道看張弓  
蕙綠縈幽佩  
琴清逗晚風  
悠然歌狸首  
機外意無窮

夏日別漢南西發留題

嘉平入漢南  
凜冽寒風響  
江霧與嵐烟  
低案憐鞅掌  
鞅掌攬轡蜀  
天路劍閣歸  
來春已暮  
乘風弔古轉  
媿墟更愛柏  
影雲深護  
柏影竹光  
飾舊芳  
孤吟

清嘯意何長  
依人鳥鷺今  
呼雛客久難  
移似故鄉  
河湟夷種望  
行邊長劍薰  
風破晚烟鳴  
驄遙向之  
回太回晉夕  
陽渺漢川

蚬鳴

賞  
部蛙奏鼓吹  
亂蚬直鳴朗  
試問幽栖人  
何者供玄

淨  
蚬鳴山月曉  
苔影露華倩  
長嘯谷聲徹  
更睹天宇

夏日北征

山色堪醫俗  
鶯聲工砭耳  
南薰帶草香  
隨意詠蘭芷  
閣閣哇亂鳴  
麥迎秋氣老  
飲冰忘溽暑  
日暮山烟好

漢南回再駐褒城

四月孤城鳥  
啁頻江光涵  
碧漱嶙峋山  
頭故堞餘  
龍隼谷口殘  
烟變子真客  
緒暫清庶讓  
水馬蹄遙帶  
玉關塵倚風  
弔古懷前跡  
搔首斜陽白  
髮新樹色殷  
殷夕霧浮殘  
霞片片掛城  
頭山形遠控  
南

岐影川色遙分太白湫盛事委塵歌野鳥客懷倚  
暮賦登樓更疑衰似傳遺井曾與庶泉共派不

招茶商峻詣西塞撫賞諸屬戎

茗客日征逐老眼更銷青爲繫戎王餌寧闕御史  
餅空疑湯幻巧

僧福全能以詩句浮茶湯面字畫不散

未覺詩魔昇

虜騎隨香斂制茶另有經

不貢龍團巧通商亟撫戎香雲飛塞外天駟出湟  
中心逐孤鳶影旆搖萬里風請纓饒舊興忝忝意  
何窮

望雲臺觀

峰腰古觀老烟霞清磬出林小徑斜日暮真人鶴  
駭遠白雲何處問仙家

翠微僊境隱松林靈壑風生鐘磬音公粥不來苔  
影暮山猿連臂竊青檜

山行紀事

絕巘殷林碧影繁鳥鳴如訴水聲喧山頭麥壠呼  
何事怕竊新嘗競打猿

風吹枯樹花翩翩壁影深沉翠黛娟絕頂驅牛似

画夕陽耕破半山烟

選架高棚負絕巔  
宿來鈴柝警長川  
但聞草響齊  
聲喊無賴鹿虫又食田

阿武婆仙掌痕在褒北三十里江岸俗傳開  
山盛跡戲作

阿婆手跡印江潯  
堪媿巨靈自古今  
試向望夫山下過  
應羞箕大掌痕深

過雞頭關

曲徑回盤絕壑奔  
噴岈逼斗見關門  
危峰礙日煙

雲暖怒石環江帟  
豹蹲劍閣倚天堪  
並伯函關卓  
壁謝諸昆倚風飛  
葢丹青接長嘯  
明霞高可吞

關頭徙倚攬山光  
奇石頻呼作丈行  
嶮盡翠屏撐

巨壑徑窮虹影掛  
飛梁江濤風促蛟  
龍鬪岩闕首

依翰藻香岩下石門洞  
漫向東風招夕秀  
漢家遺

堞冷斜陽對岩即漢王城山

雞頭煙色鎖空濛  
架木斲岩仄徑通  
絕壁石門吞  
大壑倚天漢堞卧  
秋風西南王氣趨  
關壯百二山河入  
望雄慷慨揚鞭籌  
制虜朗吟出塞貫  
長虹

南還重入褒斜

秀色侵衣鳥嘒嫺泉聲漱玉寫潺湲揚鞭苦暑鳴  
驄過頻憶南征雪滿山

樊河是蕭相國追韓淮陰處感賦

相國追賢此處停樊河如怨訴江靈當年不作英  
雄穀鐘室如今草尚青

欲將雄略作冠軍背楚耻同國士羣相國不來單  
騎去更於何處覓風雲

築壇有待幾回嘖計聳追亡火變薪烹狗休疑由

相國五湖誰復覓逸人

褒斜漫興

絕壑風生岬綠翻四圍嵐翠拱飛軒詩題到處河  
山巧客興難疑樵牧村古寺竊齋履影捷密林嘯  
鷖鳥呼喧空思幽谷栖真侶嘗採芝苓供晚餐  
谷深烟冪早迎曛飛蓋懸岩小徑分砭俗可能食  
秀色弄霞何用履飛雲長天送影孤鴻杳小渚愁  
饑白鷺羣望岫吟風招隱士山靈知我莫移文  
古棧穿雲怪石橫烟光如練寫江聲咲增白髮鳴

駭過羞俗青山着錦行  
業者不知林外險牛歌更  
覺水邊清何年遠卜梁山  
曲偏與幽人攬杜蘅

山中月下賦

月下看山澹影橫依稀  
海上攬蓬瀛翠螺先寫蟾  
光姣綠竹遙分桂影清  
泉響飛沅搖玉佩風歸靈  
籟奏瑤笙詩神遙與山靈  
接吟徹南薰嗅杜蘅

感燕

只爲巢成力倦飛  
雙雙對語惜烏衣  
行邊遙憶堂前影  
難借雲軒取次歸

過画眉關

幽壑屯雲翠影危  
炎蒸攀陟渴塵隨  
久成混沌風塵面  
羞向重關學画眉

柴關山館步趙大洲先生韻

持斧往來秦蜀道  
流光如箭催花鳥  
青山不管遊人老  
白髮更覺青山好  
開籠放鷗久  
了了竹冷鶴歸歸  
不早君不見紫柏  
山上彩雲深  
仙人長看世銷沉

自蜀還行邊再經柴關望紫柏山仙洞仙跡

峻嶺盤空瑞靄浮關頭茅屋負高丘雞聲忽唱千  
峰曉泉影遙傳萬壑幽紫柏翠涵雲外岫芳蘭香  
菡水中洲往來似與山靈結不遂尋真止漫遊  
擬訪碧雞探勝遊歸來猶自望峰頭烟霞深護栖  
真洞鸞鶴嘗依種玉丘清磬溜空傳古寺崩楂斷  
岸掛飛沅也知不是真僊骨着我青山未減幽  
每日臥遊訪洞天況逢靈境可闌然山環紫柏盤  
真氣洞養黃芽隱上僊望岫有心靈渺渺步虛無  
路草芊芊真人不啓尋真訣枕裏盧生正夢眠

濟勝可能造絕巔花驄促助祖生鞭虛思西極揖  
王母遂使中林謝衆仙奇石化羊元有路丹爐傳  
火本無烟何時訪得雲霞侶紫栢清陰話往年  
何須瓊島費追尋馬首峰巒秀色深古洞有僊春  
藹藹名山無分水沉沉探玄未沃三花樹歌竹空  
懸萬里心自與山靈主別恨非關幽勝妒朝簪  
馬上烟霞共往還奇峰如削掩玄關川岩起草境  
原絕任取詩人匠意剛

松林山館玩窗月



明月寫奇峰光落虛窓曉中有枕幽人句裏山月皎

島  
月熒山光碧山高月輪小清輝互掩映人在蓬萊

褒斜偶憶秦京逸人

故國裁詩送使臣天涯對景憶幽人重巖數駐堪  
稱傳斜谷懷僊豈避秦竹裏烟霞供自賞句中花  
鳥爲誰春賦歸久結入林癖並訪鹿門不效顰  
倦遊不用避塵巾山水清音奏獨新結客鄭樵嘗  
把臂課兒王翰共爲鄰聽鷓期採中山蕙持斧難  
同故國尊隔歲不傳叔度問空將清夢訪松筠

懷王彥甫友人

離亭樽酒送孤征惜別停杯話路程自是嗅蘭聯  
白社非關結鞵識王生草新客夢江天遠月熒村  
居水竹清便是撫戎饒勝槩何如把臂共高評

霧中山行

黯黯寒生谷霏霏影蕩川繁花愁曲磻一鳥破深  
烟晴晦山難定葛裘候互遷孤吟恹客袂暝色繞

征鞭

看山

到處看山眼愈醒  
隨車幽意幾曾停  
泉通花底偷殘馥  
雨斂峰頭出舊青  
翠色似能醫白髮  
苗菴恰好誦黃庭  
平生恐負山靈勝  
立馬揮毫遍勒銘  
身在烟霞聽鳥歌  
騷囊無底漏情多  
好開青眼收藍翠  
難閉幽襟戀薜蘿  
劍氣可能銷魍魎  
馬蹄猶自愛關河  
摧顏莫詫重岩險  
縱老探奇興未磨

陳倉古道

鳳縣南九十里

路險從天下  
淮陰此度軍  
龍韜真絕世  
劍氣果凌雲  
破竹薪炎火  
摧山檻楚氛  
弓箠空剩跡  
掩袂弔元勳

望太白山

巖業凌空瑞靄縈  
獨將神秀俯咸京  
右蟠巴甸天關險  
左踏梁園王氣橫  
絕巘夏涵陰雪白  
澄潭波映玉泉清  
禮山欲乞還真路  
指點亡羊悟此生  
何處遙傳林外鐘  
翠微寒影鎖芙蓉  
穴開丹壑全栖鳳  
秋吐靈雲慣隱龍  
雷雨可能肅古洞  
烟霞偏

覺繞長松欲從白帝洩幽秘灑墨高題第一峰

漢川見漁樵耕牧者直書其事

何處漁郎對夕曛提魚舍咲出溪雲江清石突難  
施笊刺得鰻鯪重幾斤

山頭斷續出斜曛陟險登峰茭綠雲換米便消家  
口累檐頭烟月果宜君

一犁春雨過江濱耕種歸來夜已分呼嬾飯牛須  
穩便明朝又破嶺頭雲

一笛清風引夕曛倒騎牛唱出山雲老牛豨犢犢

貪臥共哺雀雛咲語殷

病

長日山烟繞路岐吟詩却悶病還隨揚鞭遙謝山  
靈好從此葳幽莫鬪奇

睹漢上淘金有感

江上淘金白晝曛披裘五月戀溪雲官家莫愛赤  
星好盡日揚塵沒半分

果老洞

一鳳縣  
一兩當

古洞含清翠影圍白雲猶似舞仙衣騎驢舊客歸

何處直靜惟睹蝙蝠飛

最厭禁中幽趣慳遍尋名勝啓玄關紫雲嘗戀登

真洞

兩當

白蝠偏栖豆積山

鳳縣中仍

石鼓依泉搖練

影棊枰隱日臥苔斑丹岩烟霧猶如昨不見先生

跨鶴還

不必尋林僻登岩卽太虛玉泉飛古洞藥碾志僂

居翠滴鸞峰迴光搖石鏡餘殘棊傳橘隱暮蘚罨

丹書花竹媚芳嶼烟霞蕩窈渠鶴翻雲影白籟起

野鐘踈空想堯時客不關人代墟汞爐滅火候玄

圃隱耕耬董酒傷前械邊踪隨浪輿乘驄鞅掌甚

吾意乞輕驢

御愛山

鳳縣僖宗過賞

不是巢由却愛山空留心賞寄人間紇千衆雀爭

傳語何日六飛更此還

再過鳳嶺西行邊

江水蒼煙鳳嶺橫憑軒幽致促西征吟成望岫敲

山色思湫臨淵批水聲陟屺回看雲影白籌邊未

覺塞塵清蒲林飛鳥迎人噪不見梧桐有鳳鳴

西征集  
聞成忠子太史入都寄呈

病起青山宦況新  
蓬萊紫氣鬱嶙峋  
賦雲偏麗花磚影  
持斧終輸龍塞塵  
月落有懷皆夢遠  
風清無句不懷人  
孤驄近狀君知否  
日詠南陔歸興頻

夏入兩當縣紀雨

有敘

予過兩當苦旱山樹多焦時令怒衆庶訟  
其左右繫近百人年餘聞予至喊冤震地  
予立畫出之卽刻雲布晴空甘霖一夜始  
信魯公出寬召雨非誣云

孤城愁色鎖蒼茫  
纍纍淹囚召亢陽  
不謂單車能作雨  
肯教六月更飛霜  
天門山岫回新潤  
琵琶洲禾競晚芳  
白筆豈能干造化  
覆盆原自厘曦光

鷺鷥山

兩當傳鳴岐鳳生此

何年鷺鷥產名山  
曉日鳴岐去不還  
丹穴霧深銷舊羽  
碧梧陰老隱雙鷗  
將雛久斷秦簫曲  
歌鳳徒勞楚客顏  
獨有秀峰朝古洞

果老隱處

烟霞嘗似護玄關

慈親初度以四月望前二日西征逢閩悵望

成賦

四月重逢獻壽期難隨光滿舞斑衣白雲漸近謠  
金母不似懷親思遙歸

栗亭少陵祠

栗亭春色暮寥落少陵祠地僻舍新霽人靈想舊  
奇殘霞藻采變剩水市朝移大雅君收盡無由展  
所思

山川餘厚幸獻勝引詩王浪跡傳今古雄風伯錦  
囊苔痕隱舊徑花影俗前香三復栗亭句無能繼

報章

徽州對雨

河池方稅駕客緒擾征驄豈謂隨車雨輒隨少女  
風飛甘鳴絕壑銷影避長虹隨意詠庭草幽懷夕  
霽中

望鐵山

卽僊人閣吳玠破金虜處

巾子山形號逼崩天咫尺如潑墨蒼翠黯黹窮  
突竊晴日嘗含風雨色靈湫蕩漾碧影空羣峰倒  
浸盤飛鳳更有天開神宇奇烟霞繚繞依僊洞僊

洞真人跨鶴速僊人關上殺氣覆力摧黠虜捍蜀  
天殺金坪上鬼夜哭英風嘯暗壯山河名壘遺鏃  
猶在目僊踪名壘今已暮惟有山色依如故懷僊  
欲覓洞中老弔古倚風招大樹馬上神遊截業曲  
長謠吞吐南山霧

火鑽峪道中

凝碧垂朱復綴黃鶯窺山果噪斜陽薇花綻玉羣  
英艷人度青驄影亦香  
石徑薰風吹艷芳山靈似貢小宗香泉聲時架花

叢出碧影長樵五色光

駐火鑽峪卽運茶夫遺落也茶夫罷而子孫

世其業屢鳴篋盡倖若前隱賦志之

朝廷茗戰屈羣醜特置茶夫便藉手火鑽峪傍七  
萬頃盡予農桑作糊口耕雲犁雨鬧山村穰穰滿  
家禾樓畝何年商運茶夫間匿餌懸鈎作欺藪脚  
緩勝派累山村入室發覆若利帚憲府合驅章亥  
步幾經小數勞九九百金聊輸七萬租則賦按圖  
銷掣肘如何旣控減其半猶篋盡隱逞積徂我宿

山中聽雞犬茶波滌瀘知已厚不負酪奴長子孫  
可忘帝力於何有山澤予民自等閑爾輩順取可  
逾守共樂平均不貸田亟宜共問閨中婦  
溪村雲靄鳥聲頻共樂桑麻茗戰塵舊篔簹香風遺  
遠蔭好將名蕊禮茶神

茶夫地畝稼禾新領略清風合有神亟辦香泥墾  
陸羽開山須配舊埋輪

火鑛峪山館睹芍藥

谷清人靜鳥聲聞漫步山庭攬夕芬  
仄徑白薇迎

客袖空堦紅藥泛香雲遙思贈別隔南國何意會  
愁對暮曛縱令花神憐使節也羞衰鬢不宜君

過火鑛峪舊傳林茂多虎狼紀興

峰色崔嵬絕壑長凝寒六月自飛霜擊空入目饒  
鷹隼負隅何年問虎狼泉迴穿雲飛練影風清撲  
面送花香驅車不覺摧輪險長嘯峰頭未是狂

望仇池

仇池讀記讓前塵遙望山泉瑞靄新擬另磨崖重  
酒墨不教舊頌悵無鄰



西征稿第二卷終



